

3. radunanza da la plaiv 3/2025

ils 2 december 2025 a las 19.30 h illa baselgia Plaz, Samedan

Tractandas:

1. **Bivgnaint**, reflexiun e constataziun da la cumpetenzza da decider
2. **Büro electorel**, scrutinaduors
3. **Infurmaziun protocol** radunanza extraordinaria da la plaiv dals 23-8-2025
4. **Sguard in l'avegnir**
 - 4.1 Svilup da las cundiziuns da basa finanzielas
 - 4.2 Bsögn d'investiziun
 - 4.3 Svilup da la plaiv
5. **Finanzas**
 - 5.1 Preventiv 2026
 - 5.2 Preventiv d'investiziuns 2026
 - 5.3 Plaun da finanzas e planisaziun d'investiziuns 2026-2030 (informativ)
 - 5.4 Pè d'impostas per l'an 2026
6. **Varia**
7. **Reflexiun, finischun cun aperitiv**



1 . Bivgnaint, reflexiun e constataziun

2. Büro electorel, scrutinadurs

3 . Infurmaziun protocol radunanza da la plaiv dals 23-8-2025

Il protocol da la radunanza extraordinaria da la plaiv dals 23-8-2025 po gnir retrat/consulto tar las baselgias indichedas. El po eir gnir let sün www.refurmo.ch (be in lingua tudas-cha). Il protocol nu vain prelet dūraunt la radunanza da la plaiv.

4 . Sguard i'l futur

Las cundiziuns da basa finanzielas sun colliedas decisivmaing culla calculaziun da las impostas chantunelas. L'augmaint da las deducziuns chaschunaro entredgias fiscalas pü bassas. Medemmamaing l'aboliziun da la valur da l'egen fit. Causa l'anticipaziun da las investiziuns da mantegnimaing as mussaro quist effet già aunz l'aboliziun.

Ad haun da gnir fattas varquauntas investiziuns in nossas immobiglias. Tar nossas immobiglias suot protecziun da monumaint pudainsa bainschi sperer da gnir sustgnieus in möd considerabel da privats, ma la debitaziun resta granda.

Ad es allegraivel cha nos team da ravarendas saro darcho cumplet a partir da marz. Uschè pudainsa impuonder nossas forzas danövmaing a favur dal svilup da la plaiv e nossa vasta spüerta chi taundscha da la chūra da las ormas sur ils cults divins fin tar la cussagliaziun sociela e la diaconia, e cumpiglia eir occurrenzias musicalas ed oters arrandschamaints.

5 . Finanzas

Per las explicaziuns ed ulteriuras infurmaziuns rinviainsa a l'agiunta „Budget/preventiv 2026“.

5.1 Preventiv 2026

Riasunt:

	Preventiv 2026	PReventiv 2025	Rechnung 2024
Autoriteds e administraziun	473'031	506'250	456'707
Chūra d'orma e cults divins	1'255'140	1'170'540	1'112'745
Furmaziun e giuventüna	337'500	336'150	316'948
Immobiglias eclesiasticas	587'600	617'400	580'518
Chesas da pravenda	38'300	55'3000	35'477
Impostas ordinarias	-2'415'000	-2'455'000	-2'276'100
Fits	37'500	37'200	27'062
Immobiglias faculted finanzia	-140'000	-108'700	-123'351
Surpass sortidas	174'071	159'140	132'007
Surpass entredgias			
Investiziuns	820'000	910'000	542'516
Svilup liquidited	-874'071	-949'140	-550'061

Generel:

Üna baselgia viva e dascunter als umauns es il motiv directiv pel svilup da refurmo d'uraunt ils prossems ans. Perque vual la suprastanza metter ils accents eir in avegnir s'ulla furmaziun e la giuventüna scu eir s'ulla diaconia sociela. Quistas intenziuns haun influenzo il preventiv preschaint chi prevezza per l'an 2026 ün surpü d'expensas da CHF 174'071. Parallelmaing vegnan elavurendas insüras per optimer las immobiglias. Quellas varon però effet pür a media vista.

Ün augmunt da peja nun es cuntgnieu. Quel as drizza tenor las decisiuns da la baselgia chantunela, che chi po tuot tenor chaschuner differenzas tar las expensas pel persunel.

La liquidited actuela taundscha per cuvrir il surpü d'expensas. Las investiziuns pretendaron però ipotecas supplementeras, che chi'd es güstifichabel in regard als debits actuelmaing bass.

Siand cha'd es da fer quint cun damain entredgias fiscalas causa ulteriuras deducziuns scu eir causa l'approvaziun da l'aboliziun da la valor da l'egen fit, vual que ün augmunt dal pè d'impostas da 3.5% per pudair mantgnair la spüerta.

Autoriteds e administraziun:

A vain calculo cun expensas pü u main constantas. Gnidas integredas sun las adattaziuns da las pejas 2026 tenor la decisiun da la baselgia chantunela. Cul böt d'impuonder las resursas disponiblas il pü pussibel per la chüra da las ormas e pels cults divins scu eir per la furmaziun e la lavur per giuvenils, vain il potenziel d'optimaziun da las expaisas administrativas examino consequentamaing.

Chüra da las ormas e cults divins:

Da rinfurzer la vita e'l barat sociel illa raspeda resta nos böt in mira. A partir da marz 2026 es il team da ravarendas darcho cumplet, uschè cha zieva l'introducziun da las novas personas parochielas saregian avaint maun forzas avuonda per ün svilup activ da la plaiv.

L'augmunt dals cuosts in connex culla chascha da pensiun vain chaschuno dal müdamaint da la structura d'eted.

La spüerta i'l ram da la musica sacrela es gnida ingrandida, che chi varo effet l'an 2026.

Furmaziun e lavur per giuventüna:

Üna buna chüra ed ün bun accompagnamaint da la giuventüna sun premissas essenzielas per ün svilup positiv da refurmo vers l'avegnir. Las insüras inviedas dessan gnir cuntinuedas e rinfurzedas.

Immobilism:

Principelmaing nu sun previs üngüns müdamaints pü grands illa gestiun currainta.

Tals indrizs acustics sun previsas expensas da mantegnimaing pü grandas, inclusiv nouvs acquists punctuels.

Fits:

Las ipotecas sun per granda part fixedas a düreda pü lungia.

Impostas:

A vain fat quint cha l'augmaing e la diminuziun dal richev tar las impostas in consequenza da sortidas da la baselgia scu eir in connex cul incherimaing s'equilibraregian pü u main.

Impü es gnida resguardada üna diminuziun da 4% in consequenza da pussibiliteds da deducziuns augmantadas tar las impostas chantunelas. L'augmaing da las impostas proponieu da 3.5% as mussaregia pür i'l rendaquint dal 2027.

Investiziuns:

Per que chi pertuocha las investiziuns rinviainsa al plaun da finanzas e las pusiziuns correspondentas per l'an 2026.

La supranza da la Baselgia evangelica-refurmeda d'Engiadin'Ota propuona a la radunanza da la plaiv d'approver il preventiv 2026.

5.2 Preventiv d'investiziun 2026

Per plaschair consulter l'aggiunta

5.3 Plan da finanzas e plaisaziun d'investiziuns 2026-2030 (infurmativ)

La radunanza da la plaiv vain infurmeda üna vouta l'an davart il plaun da finanzas actualiso. Quel do sclarimaing davart il svilup presümbel da las finanzas da la plaiv düraunt ils prossems 3 fin 5 ans.

Il plaun da finanzas nu cumpiglia üngünas decisiuns da credits; mincha investiziun stu gnir suottamissa a l'organ autoriso per la decisiun. Il böt es da garantir finanzas equilibradas i'l decuors dals ans. Siand cha'l plaun da finanzas nu stu gnir approvo, vain el preschanto in occasiun da la radunanza da la plaiv be scu infurmaziun.

5.4 Pè d'impostas 2026

La suprananza propuona d'augmanter il pè d'impostas per 3.5% a 14% da l'imposta chantunela simpla.

Cun quist augmaint vain tgnieu quint da las reducziuns effettuedas tar l'imposta chantunela, sajan que deducziuns augmantadas scu eir l'aboliziun da la valur da l'egen fit, inclus l'effet anticipo da tela. Impü vain sgüro cotres il svilup da la plaiv e sias prestaziuns e'l mantegnimaing adequat da las immobiglias.

7. Varia, reflexiun e pled finel

Zuoz, 14.11.2025

La Suprananza da la raspeda:

President:

Lucian Schucan

Mnedra da gestiun /actuara:

Stephanie Balmer

